



Oiartzuarrak aurkeztutako proiektua “Arrakalak” du izena eta pertsonen arteko harremanetan sortzen diren “pitzadurei” buruz hitz egiten du

Iazko irabazleak, Maddi Ane Txoperena Iribarrenek , dagoeneko liburua amaitu du eta sariaren bigarren zatia jaso du. Datorren otsailean argitaratuko da liburua

XXIV. Igartza Literatura Beka sariaren edizioako irabazlea Olatz Mitxelena Larreta oiartzuarra izan da “Arrakalak” proiektuarekin, hala adostu bait dute Oihane Amantegi, Irati Jimenez eta Garazi Kamio epaimahaikideek.

Hogeita laugarren edizioa bete du Beasaingo Udalak, Elkar argitaletxeak eta CAF enpresak, idazle gazteak laguntzeko antolatzen duten beka honek. Olatz Mitxelenak proiektuarengatik 6.000 euroko sariaren erdia eta garaikurra jaso ditu antolakuntzako ordezkarien eskutik eta urte beteko epea izango du liburua amaitzeko.

Igartzako jauregian egindako aurkezpenean, egile sarituaz gain, Beasaingo alkatea Leire Artola, Elkar argitaletxeko Xabier Mendiguren eta CAF enpresako euskara arduradun Joxe Begiristain izan dira. Artola alkateak eskerrak eman dizkie CAF-i eta Elkar Argitaletxeari idazle gazteen lanaren sustapenean ahalegindu eta laguntza emateagatik eta aurtengo irabazlea zoriondu du. “Beasaingo Udalarentzat Igartza

Literatura Bekak egin duen bidea harro egoteko modukoa da, okerrik ezean datorren urtean mende laurdena beteko du” aipatu du Artolak. “Haundi-usterik gabe, Ibilbide honek etorkizuneko euskal idazleen harrobi izatea bilakatu gaituela esan dezakegu eta hala izaten jarraitzea da gure asmoa, Beasain izena euskararen izanarekin lotu nahi dugulako. Euskararen aldeko gure apustu garbia ukaezina da eta tinko eusten jarraituko diogu helburu honi” azpimarratu du.

Mitxelenaren lehen liburua

Olatz Mitxelena Larreta (Oiartzun,1989) filosofian lizentziatua da, zenbait graduondo ikasitakoa eta Bigarren Hezkuntzako irakaslea. Zenbait sariketa irabazi izan du, prentsako zutabeak ere idazten ditu, baina haxe izango du lehenengo liburua.

“Arrakalak” proiektuan, gai eta estilo ugariren bidez, gizon-emakumeon baitan nahiz pertsonen arteko harremanetan sortzen diren pitzadurei buruz hitz egin nahi du egileak, hutsune eta gabezia horietan gauzatzen direlakoan gure beldurrak, minak, ezinak... Umorea, gorputza, absurdoa, gogoeta... Horra ipuinetan zehar aurkituko ditugun beste zenbait ezaugarri, eta guztien atzean gure arrakala horiek goxatzeko borondatea.

Aurtengo edizio honetara 12 lan aurkeztu dituzte; horietatik 7 gipuzkoarrak, 2 nafarrak eta 2 bizkaitarrak, ez dago iparraldekorik. Oinarriak zabaltzen direnean saiakera egiten da Euskal Herri osora zabaltzen. Generoari dagokionez 10 emakumezkoak dira eta 2 gizonezkoak. Sariak 6.000 euroko laguntza eta lana argitaratzeko konpromisoa dakartza.

Bestalde ekitaldi berean, iazko irabazleak, Maddi Ane Txoperena Iribarrenek , dagoeneko liburua amaitu du eta sariaren bigarren zatia jaso du. Datorren otsailean argitaratuko da liburua.



Idazle gazteen sorkuntza-lana saritzea

Igartza Literatura beka saria Beasaingo Udalak idazle berrien sormena bultzatzeko helburuarekin sortu zuen. Baldintza nagusiak, 35 urte bete gabe izatea, aurretik lan argitaraturik izatekoetan helduentzako bi liburu baino ez izatea eta lanak jatorrizkoak eta euskaraz sortuak izatea dira.

Orain arteko irabazleak:

LIBURUA	IGARTZA SARIA	URTEA	ARGIT. URTEA	EGILEA
TUBABU	I.ª		1994	Jon Arretxe Perez
CONNEMARA GURE I. beka		1998	2000	Julen Gabiria
BIHOTZETAN				Lara
EGUN DENAK EZ II.beka		1999	2001	Xabier
DIRA BERDIN				Etxeberria
				Garro
KORAPILOAK	II.	1999	2001	Jasone Osoro

Olatz Mitxelena izan da XXIV. Igartza literatura bekaren irabazlea

Azken eguneratzea: Ostirala, 17 Iraila 2021 08:41

Argitaratua: Ostirala, 17 Iraila 2021 08:35

LIBURUA	IGARTZA SARIA	URTEA	ARGIT. URTEA	EGILEA
	bekaacesit			Igartua
ORTZADARRA SUTAN	III.beka	2000	2002	Fernando Morillo Grande
VAN'T HOFFEN ILEA	IV.beka	2001	2003	Unai Elorriaga Lopez de Letona
HAN GOITIK ITSASOA IKUSTEN DA KARONTE	V.beka	2002	2004	Julen Gabiria Lara
	VI.beka	2003	2005	Asel Luzarraga Zarrabeitia
AMAREN ESKUAK	VII.beka	2004	2006	Karmele Jaio Eiguren
LILE	VII. bekaacesit	2004	2006	Peru Magdalena Arriaga
AULKI BAT ELURRETAN	VIII.beka	2005	2007	Uxue Alberdi Estibaritz
ERO	IX.beka	2006	2008	Jon Martin Etxebeste
HABITAT	X.beka	2007	2009	Katixa Agirre Migueluez
NORA EZ DAKIZUN HORI KATU JENDEA	X. bekaacesit	2007	2009	Irati Jimenez Uriarte
	XI.beka	2008	2010	Eider Rodriguez Martin
MEA CULPA	XII.beka	2009	2011	Uxue Apaolaza Larrea
BESTE NORBAITEN ZAPATAK	XIII.beka	2010	2012	Garazi Kamio Anduaga
GELTOKIAK EDO HELDUTA ENTZUTEKO ABESTIAK	XIV.beka	2011	2013	Goiatz Labandibar Arbelaitz
ERRAIAK	XV.beka	2012	2014	Danele Sarriugarte Mochales
EZ TIRO EGIN ANBULANTZIEI	XVI.beka	2013	2015	Mikel Ayllon Corral
HAUTS HAJETATIK	XVII.beka	2014	2016	Unai Villena Camarero
NOLA HELDU NAIZ NI HONAINO	XVIII.beka	2015	2017	Kattalin Miner Perez
ZALDI MAMARROA	XIX.beka	2016	2018	Ekaitz

Olatz Mitxelena izan da XXIV. Igartza literatura bekaren irabazlea

Azken eguneratzea: Ostirala, 17 Iraila 2021 08:41

Argitaratua: Ostirala, 17 Iraila 2021 08:35

LIBURUA	IGARTZA SARIA	URTEA	ARGIT. URTEA	EGILEA
				Goienetxea
				Cereceda
BASA	XX.beka	2017	2019	Miren Amuriza
				Plaza
ZENDABALITZ	XXI.beka	2018	2020	Erika Elizari
				Salvador
HERRIAK EZ DU BARKATUKO	XXII.beka	2019	2021	Irati
				Goikoetxea
				Asurabarrena
EZ ERRAN INOR	XXIII.beka	2020	2022	Maddi Ane
				Txoperena
				Iribarren
ARRAKALAK	XXIV.beka	2021	2023	Olatz
				Mitxelena
				Larreta